
DISCIPLESHIP SELECTIONS ลูก ศิษฐ์ ของ พระเชสู



ایات، دفتیق درفد کتاب انجیل سکالی دغن تفسیرین

# كيت جوغ توروت عيسى

### ايسي سورت

1	Soo	جوغ دغر فرکتائ عیسی	1
7	وسا	جوغ م <b>فا</b> کو کات کیت اورغ برد	.2
11		جوغ ماسوق رافت مينتا س	
16	سپاوا	جوع تربیما عیسی بری دوق ه	4
21	·	جوع جاد <i>ي گولي</i> اورغ جوغ فيكول كايو صاليب	5
27	٠	جوع فيكول كايو صاليب	6

#### کنف فلاجران اد و بهاکین

- ايات كتاب توليسن بيرو تندا
- سوال ٢ توليسن هيتم تندا
- تفسير توليسن هبتم تندا 🛡

فواق كوروع كريستين دنكري تهاي سلاتن هق باليق كتاب الجيل د بهاس اصل كا لغة فتاني 1979

#### كتاب انجيل لوقس باب5: 1-11

1 فد ساتوهاري ، عيسى دوق برشرح د تفي الأوت كنساريت . اورغ رامي دوق لي كوغ عيسى برسسق ترق ، نق دغرخبر درفد توهن .

عيسى فون نمفق دوا بواه فراهو دوق برهنتي
 دتفي لاوت . توان دي دوق باسوه فوكت دتفي فنتي.

عيسى ناگك دالم فراهو هق اورغ نام صيمون ، سيوروه دي هوندور فراهو توبيت سيكيت ، عيسى فون دوق برشرح دالم فراهو تو ، بري سموا اورغ دتفي فنتي تو دغر.

بیلا سوده برشرح ده ، عیسی کات کا صیمون :
 "باواع فراهو کی لابوه فوکت دیمفت دالم سیکیت دیه"

تافي صيمون جواب كات: "توان كورو، فواق امب ني كريج برت تاريق فوكت سمالمن ده تاكيه ايكن سنبكورهابوق فون تافي بوليه كي تاهن سكالي لاني مايكوت هي نوان سوروه بوات "

6 فُواق صيمُون فُونَ كُي لَابود فوكت سروف عيسى سورود ، فس بوليه ايكن باين ساغت ، هيڅك سمفي فوكت نق بده.

عیلا صیمون فیتروس تیغوق کجادین نی، دی سوجود دامنی عیسی، فس کات: "مینتا که توانکو تیغکل امب نی اورغ بردوسا."

صیمون کات بالس تو ، سبب دی حیران ساغت
 اتس کجادین بولیه ایکن باپق سروف تو ، اوق دالم فراهو صیمون سامنی , سکالی دغن دوا اورغ هق کوغسی دی , دالم سبواه فراهولاکی , براس حیران جوک .
 دی , دا اورغ تو نام یعقوب دغن ادیق دی نام یحیا .

کدوا اورغ تو جلای انق زبدی . لفس تو عیسی کات کدوا اورغ تو جلای انق زبدی . لفس تو عیسی کات کا صیمون ، توان فراهوسائنی : "موتائسه بیمبغله ، صیمون ! لفس فدنی مونق کریج چاری اورغ کنتی چاری ایکن ."

11 بيلا باوا فراهو كليق سمغي كا دارت ده ، فواقتو فون تيغكل سرب سروبي هق دي ، توروت عيسى كي .

## جوغ دغر الفركتائ عيسى

<u>1 می</u> مولا۲ عیسی دوق برشرح دمان ؟ (ایات ۱)
ج. دتـــ لاـــ كنساريت.
<u>2 سبه</u> توان فراهو دوق بوات اف ؟ (ایات 2)
ج، دي دوق بــــ فـــ دتغي فنتي .
<u>3 سيم</u> عبسى نايك دالم فراهو هن سيآف ؟ (ايات 3)
ج. فراهو هن اورغ نام صـــــــ
<u>4 س. صيمون كات فواق دي كريج برت</u> سمالمن ده ,
بولیه ایکن براف ایکور؟ (ایات٥)
ج. تام بوليه ايكن ســــ هـــــ .
كس فواق صيمون كي لابوه فوكت سروف عيسم
سورود تو ، دي بوليه ايكن باپق ساغت .
مان داليل كات دي بوليه باپق ؟ (ايات :،7)
ج. فوكت دي نق بـــــ . دي كنا ففكيل فراهو
اوق دي مـــ تـــ فس دي موات ايکن
هیغک دوا فراهو س دکت نق سد
<u>ه س.</u> دوا اورغ هن بركوغسي دغن صيمون فيتروس تو
ح. نام اف ؟ (ایات ۱۵)
ع. عام على . (ايات عام) نام دى ر دغن ر

## جوڠ دغر النسافركتان عيس


- 1 (ایات ۱): اورغ رامی نق دغر خبر درفد توهن . کیت براس نق دغر که؟ دغر جوک که ؟ کیت جوغ سره ماس انتوق نق دغر که؟ انق مورید عیسی چادغ سره ماس کنف هاری نق دغر فرکتای عیسی درومه ی فس دی ماسوق فرچوم کنف داوی احد. کالو کیت تا جوغ دغر بالس مان کیت بولیه توروت ؟ تا کیه.
  - 2 (ایات،): فواق امب کریج برت سمالمن ده ۰۰۰ تا فی بولیه کنی تاهن سکایی لاکنی ایکوت هن توان سورود نی . تکه کیت براس لتیه , کیت جوغ بوات کریج کا عیسی که ؟

کیت جوغ توروت فسنن عیسی که ، اتوا کیت سوک توروت فیکیران دان فراسائن کیت سندیری ؟

- 5 (ایاته): صیمون فیتروس کات: همینتا توانکو تیغکل امبی کران امب اورغ بردوسا، کالو کیت دغر ده فرکتائ عیسی کیت فون نق براس سیسل اتس کسلاهن هق کیت جوک فسی براس مالو سروف صیمون. تافی کالو کیت سیسل فس مغلکو کسلاهن تو عیسی نق تریما کیت جوک .
- 4 (ایات ۱۱): فواق تو تیغکل سرب سروبی هق دی ، توروت عیسی کی ، کالوکیت نیات نق توروت عیسی ، بغکالی کیت کنا جوغ سرد بارغ۲ ، اتوا کربج۲کیت سروف فواق تو . تافی کیت تاگنا تاکوت سبب عیسی تا تیغکل کیت .



صيمون فيتروس يعقوب دغن يحبا دي اورغ كريج لابوه فوكت



متيوس دودوف دتمفت اورغ بايرجوكي

### جوغ معًا كو كات 2 كيت اورغ بردوسا

#### کتا*ب انج*یل متیوس با*ب ۹: ۹ -*

- عیسی فون تیغلل تمفت تو ، برجال کی کو لائن . تغه دوق برجال تو ، دی نمفق سئورغ نام متیوس دوق کریج د تمفت اورغ کنا برادو بایرچوکی . عیسی اجق دی کات: "ماریله ، توروت اکو کی!" متیوس فون باغون توروت عیسی کی سلالو.
- 10 فتغ کارغ سیکیت عیسی دوق ماکن جاموان درومه متیوس سائی، دالم فواق هق دوق ماکن سبکالی دغن عیسی، فس دغن مورید۲ دی تو ، ادبایق اورغ هق کریج کوتیف چوکی ، دغن اورغ هق کنا هینا د اورغ کمفوغ کاتیق .
- 11 بیلا فواق فریسی (هق قوات اولام ماس تو) تیغوق عیسی دوق دغن فواق مین دی تان مورید عیسی کات: "با اف توان کورومو سوک ماکن سکالی دغن اورغ هق کیت هینا سروف اورغ کوتیف چوکی تو ؟ "
- 12 عیسی دغر مق فواق تو تان ، فس دی جواب کات : "بوکن اورغ سکر مق نق کی چاری بومور ، دق ، تا فی اورغ ساکیت .
  - 13 بائیک مو کیله، چاری معنا ایات دالم کتاب

### <u>8</u> هق کا*ت* :

توهن تا بركنن بناتغ هى بوات قربان سعمور. هى توهن بركنن ، هاتي كسياغ بلس كا اورغ .

فس عيسى كات: " اكو ماري ني ، بوكن نق اجق اورغ هاتي بتول، تافي نق اجق أورغ هف ساله، بري دي فالبغ توروت اكو ."

## جوغ مغالو كات 2 كيت اورغ بردوسا

متیوس دوق کریج دمان ؟ (ایات ۹)	1 س
دتمفت اورغ کنا  ہرادو   بـــــ چـ ــــــــ ،	٠ ج
عیسی اجف متیوس کات لاکو مان ؟ (ایات ۹)	2 س•
ماریله , ت ا _ ک	
متيوس توروت عيسى كني كادق ؟ (ايات ٩)	3 س
دي تـــــ عيسى كـــ سلالو.	ج .
فتغ كارغ سيكيت عيسى كني بوات اف؟ (ايات ١٥)	
د <i>ي کي مــــ جـــد درومه متيوس</i> .	ج .
سیاف دوق ماکن سکالی دغن عیسی دان	
موريد۲ دي ؟ (ايات ١٥)	
اد باپق اورغ هق کريج ک چ دغن	٠ ج
اورغ هق كنا ه د اورغ كمفوغ كاتيق.	
فواق مان نان مورید عیسی چارا حال عیسی	6 س•
دوق ماکن دسیتر ؟ (ایات ۱۱)	
فواق في ـــ ، (فواق هق قوات اوكام ماس تو،)	_
اورغ مان هق کنا کي چاري بومور ، اورغ سکرک	7 س•
اتو اورغ ساكيت ؟ (ايات ١٤) ج. اورغ ســــ	
اف هق توهن بركنن ؟ (ايات ١٥)	8 س
هاتي کــــ د ـــکا اورغ .	

## جوع مقاكو كات المسكيت اورغ يردوسا

- 1 (ایات): متیوس دوق کریج دتمفت اورغ کنا برادو بایرچوکی و فدماس تو اورغ رامی هینا کا فواق کریج کوتیف چوکی تو فواق نی جوال بغسل دی طمع کا دویت فس بوات پان کا اورغ (ایات ۹): ماریله توروت اکو کی ا عیسی احق متیوس ، اورغ هق کورغ مولیق ، توروت دی فس ، دی کی ماکن سکالی دغن اورغ هق بیاس بوات ساله ، عیسی تاعیخوق هینا کا سیاف ۲ ،
- ابات 11): فواق فريسي. فواق ني فكغ اوكام يهودي قوات. دي سوك بوات قربان دان كريج اوكام لائن مى تافي دي بسر كا ديري فس تاگسياغ بلس كا اورغ. دي نمفق كات ديري دي موليق، تافي توهن تا ستوجو دغن دي.
- 4 (ایات 12): بوکن اورغ سکر هن نق چاري بومور ، دق مندي اورغ ساکيت عيسى بوليه بنديغ دغن بومور هق فندي بري هيلغ فپاکيت دوسا ، کيت کي چاري دي ده کا دق گي ؟ عيسى اد کواس بري کيت جادي اورغ موليق د فنداغن توهن ، ماس لاني فون دي لق امفون سموا کسلاهن کيت .
- 6 (ایات 13): اکو ماری نی بوکن نق لجق اورغ هاتی بتول تا می نق اجق اورغ هاتی بتول تا می نق اجق اورغ هاتی بتول تا می نق اختی اورغ ساله بری دی فالیخ توروت اکو. تا اورغ ساله ده تا نق نوروت عیسی می کالوکیت تا جوغ مخاکو کات کیت اورغ ساله ده تا فی نق فالیغ توروت هق مولیق .

### جوع ماسوق رافت على مينتا سنديري

#### كتاب انجيل مرقوس باب 10: 46-22

- 46 تغه عیسی توبیت درفد بندر بریکو تو دغن صحابة عنى سكالي دغن اورغ رامي ، اد ستورغ مات بوت هق نام برتيميوس، دوف مينتاء صدقه دتغي جالن.
- 47 هاوا دي دغر كات عيسى اورغ نمرة هق لالوكوم دي تو ، دي فون منا وغ دغن سوارا درس كات: ° هي انق چوچو رام دائود ، كسياغ بلسله كا امب كاتيق!"
  - 48 بايق اورغ دسيتولارغ دي ، سوروه دي دوق ديام , تافي دي منائغ كهور درس لاكني ، كات: "هي انق چوچو راج داؤد ، كسياغ بلسله كا امب كاتيق!"
  - 49 فس ، عيسى برهنتي تغه جالن كات : "سوروي اورغ بوت تو ماري سيني ." فواق اورغ رامي فون كي اجق اورغ بوت تو ، كات كا دي: "سنغله مو. باغون كيله, توان فخكيل."
  - 50 اورغ بوت فون بواغ كايُن لفس ، بيغكس بالثون
  - هوغكل كي سلالو كاعيسى . 51 فس عيسى تان دي : "مونق مينتا اف سوروه اكو بوات ؟ " اورغ بوت فون جواب كات: " يا توان، مينتاء بري امب بوليه نمفق سروف دولو."

52 عیسی فون سوروق دی: "مو کلیقله . کران مو فرچای ، مات مو بولیه هیلغ ."

فد کتیک توجوک مات دی بولیه نمفق . فس دی فون توروت عیسی کی سلالو .

### جوع ماسوف رافت ت مینتا سندیری

- <u>4 سام</u> اورغ مات بوت نام برتیمیوس دوق بوات اف دتفی جالن ؟ (ایات 46)
  - **ج** · دي دوق م\_\_\_ مر\_\_\_.
- <u>ع س.</u> برتیمیوس منائع دغن سوارا درس تو ، دی فقکیل عیسی لاکو مان ؟ (ایات 47)
- ج. دي فغكيل عيسي ا\_ ج\_ راج دا ود.
- <u>3 س.</u> مولا۲ دي مينتاع لاكو مان دغن عيسى ؟ (ايات 47)
  - ج · ك \_\_\_\_ ب \_\_\_ كا امب كاتيق ·
  - <u>4 س.</u> بیلا عیسی فغکیل دی ماری , برتیمیوس بوات لاکو مان ؟ (ایات ٥٥)
- ج · دي بــــكايُن لفس ، بيغكس بـــــ هــــــ هــــــ كُي سلالوكا عبسى .
- <u>5 س.</u> فس تو دي مينتاء هق دي نق سوغكوه ٢. دي مينتاء اف ؟ (ايات 51)
  - ج . دي مينتاء عيسى بري دي د ــــــ نــــــ د
  - <u>ه سه</u> برتیمیوس توروت عیسی کی . عیسی فقسا دی که ؟ اتوا برتیمیوس فیلیه نق توروت سندیری ؟ (ایات 52)
- · ك برتيميوس ف\_\_\_\_سنديري نق توروت عيسى كى .

## جوغ ماسوق رافت (نشب ميتاء سندبري

- 1 (ایات 47): عیسی اوغ نصرق . عیسی برانق دکمفوغ بیت لاحیم , تافی دی دودوق دکمفوغ نصرة . نام دی مشهور کی سرات ۲ تمفت دغن کران فرکارا ۲ فلیق هق دی بوات تو . و (ایات 47): انق جوچو راج دا و و . اورغ اسرائیل ماس تو تاهو
- 2 (ایات 47): انق جوچو راج دائود. اورغ اسرائیل ماس تو تاهو کات المسیح هق توهن کات نق تورون ماری کا دنیا تو کنا تیمبول دالم کتورونن راج دائود. عیسی دیاله المسیح تو م دی هق جادی جورو سلامت مائسی کیت.
- ایات هه): برنیمیوس دوق مینتا صدقه. فرهاتیله دی تاعمینتا صدقه دغن عیسی، دق. فس، عیسی تا بری دویت کا دی جوک. اورغ هق نیات نق توروت عیسی کنا نننی دنیا اخیرق باروله نق بولیه فساک دی.
- 4 (ایات دی): مو نق مینتا اف سوروه اکو بوات ؟ عیسی نق بری کیت ماسوق رافت دغن دی ، فس دی نق دغر د مولوت کیت سندیری اف مینتا سوروه دی بوات ، عیسی نق تاهو سکت ملل کیت فرچای کا دی.
- 5 (ایات52): دی توروت عیسی کی مدغن کران برتیمیوس فرچای کا عیسی مات دی بولیه نمفق مفس دی فون نیات نق توروت عیسی جوک کیت تا کلیه توروت عیسی جوک کیت تا کلیه توروت عیسی کی جا محود کیت کنا ماسوق رافت م



برتيميوس اوغ مات بوت دوق مينتا صدقه

#### كتاب الجيل يحيا باب 69 - 57

- 37 عیسی کات کا اورغ رامی فول: "سیاف، نق ماری فرچای کا اکو ماکو تا تولق سام سکالی .
- 38 كران اكو تورون ماري دشرك، بوكن نق بوات توروت كهندة كو سنديري، دق. اكو نق بوات توروت كهندق باف هق سوروه اكو ماري كا دنيا.
  - 40 كهندق بفاكو (عيسى كات) ، اورغ هق فاليغ تيغوق كا اكودغن فرچاي ، سموان نق دافت هيدوف جارا باروهق توهن ، فس ، اورغ توله اكو بري بغكيت هيدوف كليق فدهاري اخيرة .
  - 51 اکو سندیری جادی مکانن هق بری ماکسی هیدوف مکانن هق تورون دشرکتو ، (عیسی کات) ، سیاف مق تریما مکانن نی ، دی فون نق هیدوف سمفی سلام تن ، فس مکانن تو ، یا میت تو بوه کو سندیری (عیسی کات) ،
    - 52 كتوا بهودي، هق دوق اد دسيتو ، دوق تخكيخ سام سنديري ، كات : "بالس مان اورغ ني سوروه

53 عيسى فون كات كا فواق ني: "فرهاتيله بايُك ٢ هق أكو نق رويت ني . كالو مو تاعماكن داكيخ دغن دارة أكو ، مائنسي هق تورون دشرك ني ، تنتو مو تاولد تريما هيدوف چارا بارو لاكن .

54 اورغ هن ماكن داكيغكو دغن دارهكو (عيسى كات) ، اورغ تو تربيما ده هيدوف چارا بارو هن توهن . فس اكو نن بري دي بغكيت هيدوف كلين سمولا فد هاري اخيرة .

56 كران داليڅكو دغن دارهكو (عيسى كات) جادي مكانن هني سجاتي .

- 56 اورغ هن ماكن دائيغكو دغن دارهكو ، اورغ تودوق سياوا دغن اكو ، فس اكو فون دوق سياوا دغن دي. "
- 60 باپق اورغ هق جادي موربد عيسى ۽ بيلا دي دغر شراحن ني ، کات : " فغاجران ني تروق ساغت . کيت تا ليه تريما . "
  - 61 فواق المي دوق كيچيق سام دي لاكوني. عيسى تاهو ده فيكيران دي , فس كات كا دي: "هق اكو رويت ني بري هاتيمو تاممبوه دغر , بوكن ؟ 62 كالو مو تاممبوه دغر لاني , ماس داعن مو نق

المراس لاكومان فول ، بيلا مو نمفق اكو ، مائسي هق تورون دشرك ني ، نائك كليق كا تمفت هق سديا ؟ فيدوف مائسي جادي دغن كواس روح توهن بوكن دغن كواس مائسي سنديري ، فركتائ هق اكو دوق رويت ني ماري درفد روح توهن ، دغن فركتائ ني فون دي تورون هيدوف ماري كا فواقمو .

64 تافي اد اورغ دالم فواقمو هق تاع فرچاي لاکي ، فرکتا ککو ني ."

69 فس ، كيت فرچاي دغن يقين كات توانكو نيله دي هق مهاسوچي هق ماري ، فد توهن ."

## جوغ تربيها عيس 4 بري دوق سباوا

- <u>1 س.</u> اورغ مان هن نف دافت تريما هيدوف چارا بارو هن توهن ؟ (ايات 40)
- ج ، اورغ هق فالبغ تــــ كا عيسى دغن فـــــ .
- 2 س• عیسی کات دی سندیری جادی اف هف بری مائسی هیدوف ؟ (ایات ٥١)

  - <u>8 س.</u> کیت تا ٔ ماکن عیسی ، بولیه کا دق کیت تریما هیدوف چارا بارو ؟ (ایات 53)
    - ج ، تنتو تـ بــــ.
- 4 سو اد اورغ هق كات: "فغاجران ني تروق ساغت. كيت تاكيه تريما" كيت تاكيه تريما" (ايات 60) دي كات: "تاكيه تريما" وتافي عيسى كات: "هاتيمو تائم بولا دغر". (ايات 61) سبب اف اورغ تو تاعليه تريما ؟
  - . ج. سبب دي تا<sup>ع</sup> م\_\_\_ د . ج.
- <u>5 س.</u> سبب اف صحابة ٢ عيسى تائسير تيڅكل دي؟ (ايات 68, 69)
  - ج. سبب تا اورغ لا لائي هق بوليه بري كيت هـ دان لائي سب عيسى هق مهاسوچي هق مـ درفد تـ .

## جوغ تربيما عيسى النسيا بري دوق سپاوا

1 (ایات 54): اورغ هق ماکن داکیغکو دغن دارهکو (عیسی کات) اورغ تو تريما ده هيدوف چارا بارو هن توهن . کيت ماکن داره عيسى معنان كيت فرجاي كات عيسى قربان ديري دي ده ، ماتي د کايو امفت چابخ تو کنتي کيت. لفس فدتو عيسى هيدوف كليق سمولا . عيسى ماتي كنتي كيت "نوم انق بري كيت لفس فدحكومن توهن م فس بري كيت بوليه ماسوق دوق رافت دغن توهن بغ مهاسوجي. 2 كيت ماكن داكيغ عيسى معنان كيت جوغ تريما عيسى برى دودوق دالم توبوه كيت، جادى روح سوچى هق عیسی هق بری کیت هیدوف چارا بارو ، فس فول بريكيت دوق سياوا دغن دي م سروف كته مغالير ماري دبانغ فوهون کايو بري داهن ۲ دي بوليه هيدوف. 3 سياف دي بوليه ماكن ؟ سياف ، فون بوليه . كيت فونِ بولیه، اصل کیت جوغ دغر فرکتائ عیسی ، جوغ مغاکو كات كبت اورغ بردوسا هق باليق هائي ده ، فس جوغ مينتا ماكن، دغن مولوت كيت سنديري - عيسى جامين ده كات: "سياف، نق ماري فرچاي كا أكو ، أكو تا عولق سام سكالى " جاديكيت مينتا ماكن ده تو لفس فد تو کیت کنا جوغ ماکن هاری ۲ م دوق سپاوا دغن عیسی .

### جوغ جادي حق كولي اورغ

#### كتاب الجيل متيوس باب 20: 20-28

اد دوا اورغ دالم فواق صحابة عيسى ، نام يعقوب دغن يحيا. دي كدوا اورغ ني جادي انق زبدي .

20 فدساتوهاري مقانق و زبدي تو كي سكالي دغن انق دي بري حرمت كاعيسى . دي بري حرمت كاعيسى و فس مينتاء ساتو فركارا دغن دي .

21 عيسى تان: "مونق اف ؟ " دي جواب: "يا توانكو، نق مينتاء توان جنجي ، بيلا توان جادي راج ده ، بري انق امب ، دو اورغ ني ، دودوق سبله كانن سئورغ ، سبله كيري سئورغ . سبله كيري سئورغ .

22 عيسى كات كاتيك برانق تو: "موتائهم هي مو دوق مينتائتو، موجوع كادق تريما كسيقسائ سروف اكو دوق هادف ني ؟ دوا براديق تو فون جواب: "ها م امب جوغ . "

عبسى روپت كادي سكالي لائي كات: "سوغكوه به مونق تريما كسيقسائ سروف اكو جوك. تا في كواس بري اورغ دودوق سئورغ سبله كانن بسئورغ سبله كانن بسئورغ سبله كايري تو بوكن كواس كو سنديري دق وهن بفاكو نق بري تمفت تو كا اورغ هق دي

-سیمفن سیف ده نق بولیه تریما ."

24 صحابة عيسى سفولوه اورغ لاني تو فون ، هاوا دغرهق دوا براديق تو دوق مينتام ، دي فون ناميك موريه.

25 سابیت تو ، عیسی فغکیل سموا دوا بلس اورغتو ماسوق دکت دی ، فسدی کات ، مو تاهوده کات کماپیقکن راج ، فاکی کواس اتس رعیت دی ، کتوا ۲ اورغ فون امبیت فرینته اتس فواق دی .

26 تافي دغن فواقمو بوكن بالس تو، سياف ت نق جادي بسر ، كنا فاليغ فادول كاسموا اورغ .

27 سياف دوق چاري فريغکت تيغکي ، کنا فاليغ جادي کولي اورغ .

28 سروف اکو مائسی هی تورون دشرک نی ماری کا دنیا ، بوکن نق بری اورغ فادول کا اکو ، دق ، اکو ماری نق فادول کا اورغ ، نق سره پاواکو ، انتوق مری لفسی پاوا بایق اورغ ، "





### جوغ جادي کولي اورغ

- 1 س انق ۲ زبدي دوا اورغ تو نام اف ؟ ج . يـــــ دغن يـــــ .
- 2 سومق دوا برادیق تو مینتا ساتو فرکارا دغن عیسی سبب دی سغک کات ماس دائن عیسی نق جادی اف ؟ (ایات 21)
  - ج · دي سغک کات عيسی نق جادي ر\_... و س دوا براديق تو نق کا فريغکت تيغکي . سوغکوه کا دق ؟ (ايات 21)
    - ج ، س\_\_\_\_\_
  - <u>4 س.</u> ماس تو بوکن عیسی دوق هادف نق دودوق اتس کریسی راج ، دق ، دی دوق هادف نق نق تریما اف ؟ (ایات 22)
- ج · دي نق تريما كريس كنا فأكو دكايوصاليب . و سو هاوا دغرهق دوا براديق دوق مينتائق صحابة الاين نايك موريه . مو نمفق لاكو مان ؟ سبب اف دي نايك موريه ؟ (ايات 25) ج . سموا اورغ تو براس بردغكي ، نق كا فريغكت تيغكي تو انتوق د سر . و كنا فريغت نق جادي بسر ، كيت كنا بوات لاكو مان ؟ (ايات 26) ج . كنا في السر ، كيت كنا بوات لاكو مان ؟ (ايات 26) ج . كنا في السر كيت كنا بوات لاكو مان ؟ (ايات 26) ج . كنا في المناه على الريغ .

## جوع جادي (عشر كولي اورغ

- 1 (ابات 20): انق و زبدي . کیت باج ده دموک ع حال دوا برادیق یعقوب دغن یحیا تو . دی دون توروت عیسی نی لام جوک تافی اد فرکارا هق دی سیلف فهم لائی . کیت فون سروف تو جوک . کیت نیات نق توروت عیسی تو معنان کیت کنا مرنده دیری سعمور هیدوف ، بری عیسی بولیه اجر کیت .
  - (ایات ۱۵): بیلا توان جادی راج. تیک برانق تو سیلف فهم سوغکوه. دی سغک کات عیسی نق جادی راج د دنیا نی برانق توجوان عیسی کی کو کلین ، سوغکوهفون عیسی نق مربنته سموا فرکارا داخیرق ، تافی ماس عیسی دوق ددنیا تو ، دی تا سیرجادی راج ، دق . دی نق فادول کا اورغ ، دی جوغ جادی سروف کولی اورغ ، دی نق سره پاوا دی ، ماتی ، نق بری پاوا کیت بولیه لفس ، پاوا دی ، ماتی ، نق بری پاوا کیت بولیه لفس ،
  - فاليغ جادي كولي اورغ هن نيات نق توروت عيسى ، كنا جادي اورغ هاتي رنده سموا . كيت كنا توروت عيسى عيسى فادول كا سموا اورغ ، اورغ مان هن سوغ فاتوت بوليه فريغكت تيغكي دفندغن توهن ؟ اورغ هن بري اورغ لائين فاكي دي سروف كولي ، كيت جوغ كا دن ؟



انق مورید عیسی نام ستیفن جوغ کنا سیقسا سمفی ماتی

### جوغ فيكول في كايوصاليب

#### كتاب انجيل متيوس باب ١٥: 28 -39

- 28 عیسی کات: جاغنله تاکوت کا اورغ هن اد کواس بولیه بونوه توبوهمو ، تافی روح تا ماتی . دف! موکنا تاکوتله کا توهن هن ادکواس بولیه بونوه توبوه دغن روح فون دافی نراک.
  - 29 فس، ایغنله (عیسی کات) ، بوروغ تیوق ، اورغ جوال دکدی ، سکوفغ دوا ایکور . ولو هرک موره بالس نی فون ، تافی سئیکور بوروغتو جاتوه کا تانه ، توهن تاهو ده .
    - 30 فواقموفون توهن تاهوسموا ، هیخک سمنی بیلغ بیلاغن اورت رامبوتمو .
    - 31 سابیت تو جاغن تاکوتله، فواهمو اد هرک دفنداغن توهن لبیه فدهرک بوروغ تیوق بریبو ایکور لاکنی .
    - 32 فس ایغتله (عیسی کات) سیاف دی مغاکو داعن اورغ م کات دی جادی میلیقکو م اکو خون نق مغاکو داعن بغاکو دشرک کات اورغ تو جادی میلیقکو جوک میلیقکو جوک میلیقکو جوک میلیقکو جوک م
    - 33 تافي سياف دي تائسير مغاكو داعن اورغ كات دي ميليقكو ، اكو فون تائسير مغاكو جوك داغن بغاكو دشرك ، كات اورغ تو جادي ميليقكو ،

34 فس عيسى كات لاكني: "جاغن فواقمو سغك كات توجوان اكو ماري كا دنيا , نق بري سموا مائسي دوق بايك سام سنديري ، دق! هق اكو باواع ماري ، نق جادي سروف فدغ , هق بله بري اورغ جادي فواق ،

35 انق جنتن نق فچه بله دغن چې دي ، انق بتينا دغن مق دي ، مننتو دغن توق منتوا دي فون .

36 ستروع هق تروق دغن اورغ ، نق جادي كلوارك هق دي سنديري .

37 سسوغگوهن کالوسیاف دوق کاسیه کا ایبوباف دی لبیه فد دی کاسیه کا اکو م تا فاتوت دی نق جادی انق موریدگو فس م سیاف دوق کاسیه کا انق م جنتن بتینا م لبیه فد دی کاسیه کا اگو م تا فاتوت دی نق جادی انق موریدگو جوک م

38 كالوسياف تا سيرفيكول كايو امفت جابغ كي سكالي دغن أكور تا كفاتوت اورغ تو نق جادي انق موريدكور عورة مق سايغ كا پاوا دي , نق هيدوف هق

و اورغ هن سایع ه پاوا دی ، اق هیدوف هن سره پاوادی سرماتی تاگید . تاخی اورغ هن جوغ سره پاوادی دغن کران اکو ، تنتو نق بولیه هیدوف هن سجاتی ، " (غیسی کات) . (غیسی کات) .

### جوغ فيكول ٢ كايو صاليب

- <u>1 س.</u> کیت کنا تاکوت کا اورغ که اتواکنا تاکوت کاتوهن ۱۹ (ایات ۱۵ ج . کنا تاکوت کا لا \_\_\_ بیم فد ا\_\_\_ .

  <u>2 س.</u> توهن تاهو کا دق کالو سئیکور بوروغ فون
  - <u>2 س.</u> توهن تاهو کا دق کالو سئیکور بوروغ فون جاتوه کا تانه ؟ (ایات 29)
    - ج . توهن تــــده .
  - <u>3 س.</u> مائنس کیت اد هرک دفنداغن توهن کا دق ؟ (ایات <sub>31</sub>) ج . کیت ا هـ مایق دفنداغن توهن .
- 4 می کالوکیت تاکوت ب تا سیر مغاکو دا فن اورغ کات کیت جادی میلیق عیسی ب عیسی نق مغاکو کیت دا فن توهن باف دی د شرک کادق ؟ (ایات 33) ج . د . دی فون نه میسی نوس باف جوک .
  - <u>5 س.</u> توجوان عیسی ماری کا دنیا ، نق بری سموا ما نسی دوق بایک سام سندیری کا دق ؟ (ایات 34)
- ج . د . دي نق بـ \_\_\_ بري اورغ جادي برف\_\_ . و مي نق بـ \_\_ بري اورغ جادي برف بي و مي مي مي كيت ددنيا ني ، كيت نق بوليه هيدوف هق سجاتي كادق ؟ (ايات 39)
  - ج. د\_، ت\_ ہـ هـ هـ مق سجاتي تو.

## جوڠ فيكول ( كايو صاليب

### 1 (ايات 33): دي تا سير مغاكو . . . اكو فون تا سيرمغاكو:

کیت تا برانی مغلو کا اورغ کات کیت دوق توروت عیسی ، سروف تا فرچای کا دی سوغکوه ۲. کیت تاکوت کا اورغ ، معنان تا فاتوت کیت جادی میلیق عیسی .

2 (ایات 37): تاعفاتوت دی نق جادی انق موردیکو. کیت کنا کاسیه کا کلو ارک کیت ولو دی بنچی کا کیت فون، تاخی کالوکیت تاعکاسیه کا عیسی لبیه فد کیت کاسیه کا اورغ ترماسوق انق بینی اتوا ایبو باف فون ی کیت نق توروت عیسی تاعلیه ، سیاف هی کیت کاسیه لبیه نو؟ عیسی که ؟ ادیق برادیق کیت که ؟ اتوا توبوه کیت سندیری ؟

3 (ایات 38): فیکول کایو امفت جابغ کی سکالی دغن عیسی، اورغ هق نیات نق توروت عیسی سوغکوه تا کیه سایغ

کا پاوا دی ددنیا نی . کیتکنا جوغ سره پاوا دغن کران فرچای کاعیسی ، کیت جوغ توروت سمغی ماتی که ؟ کیت جادی سروف اورغ هی دوق فیکول کایو امغت چابغ کی کا تمفت اورغ نی بونوه کیت ، تاغی کیت تائوت ماتی سبب تنتوله کیت نی بولیه هیدوف هی سجاتی داخیرق ننتی .

34 ถนนกาญจนา 1 จังหวัดยะลา 8015 كاد جالا كنجنا 1 جغراد جالا